



INATSISARTUNUT qinersineq



Imai

1	Qinersinermi tunngaviusut	4
2	Qinersisoqarnissaanik nalunaaruteqartoqarnera	6
3	Kina qinigassanngortissinnaava kinalu qinersisinnaava..	10
4	Qinersisartut allattorsimaffiat qinersiviillu.....	16
5	Inissitsiterneq.....	24
6	Qinersinerit inernerinut takussutissiat	30

Maanna siusinnerusukkullu qinersisarnerni inernerit takorusuk-
kukkit iserfigiuk qinersineq.gl.

Saqaani assiliartat:

Bussit unittarfianni plakatit qineqqusaarutit; ullormi qinersivimmi Katuap
saavani nunatta erfalasua; ulloq 12. marts 2013-imi Katuami taasivik.

Inatsisartut Allattoqarfianit saqqummersinneqartoq
Oktober 2014

Assiliartat: Inatsisartut Allattoqarfiat

Inatsisartut Allattoqarfiat · Postboks 1060 · 3900 Nuuk
inatsisartut@inatsisartut.gl · www.inatsisartut.gl

Kapitali 1



Qinersinermi tunngaviusut

Kalaallit Nunaanni aqutseriaaseq tassaavoq sinnisoqarluni tamat oqartussaaqataanerat ilaatigut aalajangersimasumik akunnilimmik qinersisoqartarneranik ilisarnaatilik. Tamat oqartussaaqataaneranni nunap inatsisiliortuinut, Inatsisartunut, ilaasortanik 31-nik qinersisoqartarpoq.

Inatsisartunut ilaasortat nalinginnaasumik, toqqaannartumik, pituttorsimangitsumik, naligiimmik isertortumilluunniit taasinikkut qinerneqartarput.

Nalinginnaasumik isumaqarpoq innuttaasut kikkulluunniit qinersisarnermut inatsimmi piumasaaqatinik eqquutsitsisut qinersisinnaasut aammalu qinersinermi qineqqusaartutut sassarsinnaasut.


Toqqaannartumik isumaqarpoq partii kattusseqatigiilluunniit qinerusutaq taasinermi allaffissamut toqqaannartumik qinerneqartarsinnaasoq.

Pituttorsimangitsumik isumaqarpoq qinersisartut partii kattusseqatigiilluunniit sorleq qinerusunnerlugu namminneq aalajangersinnaagaat.

Naligiimmik isumaqarpoq qinersisartut tamarmik inerniusumut assigiimmik sunniuteqarsinnaasut.

Isertortumik isumaqarpoq allat qanoq taasisimanersut kimilluunniit nakkutigineqarsinnaangitsoq.

Kapitali 2



Qinersisoqarnissaanik nalunaaruteqarneq

QINERSINERMI INATSISITIGUT TUNNGAVIUSUT

Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq Inatsisartut inatsisaatigut nr. 10, 30. oktober 1998-imeersukkut aammalu Inatsisartut inatsisaatigut nr. 21, 3. december 2012-imeersukkut allanngortinneqartukkut Inatsisartunut qinersisarneq malittarisassaqaartinneqarpoq.

QAQUGU QINERSISOQASSAVA?

Inatsisartunut ilaasortat piffissamut ukiunut sisamanut qinerneqartarput. Piffissap qinigaaffiusup atuuffia ulloq qinersiffiusumit aallartit-tarpoq.

Nalinginnaasumik qinersineq qinersisarnermut inatsimmi § 6, imm. 3 aammalu Inatsisartut Naalakkersuisullu pillugit Inatsisartut inatsisaat naapertorlugit Naalakkersuisut Siulittaasuannit nalunaarutigineqartarpoq, taassumalu ulloq qinersiffissaq piffissap qinigaaffiusup atuuffiata naannginnerani pisussaq aamma aalajangertarlugu. Nalinginnaasumik qinersineq qanoq siusitsigisukkut ingerlanneqarsinnaanersoq inatsimmi aalajangersimasumik piffissalernerneqanngilaq, piffissalli qinigaaffiusup atuuffiata naanissaa qaammatinik pingasunik sioqqullugu ingerlanneqarsinnaanera naatsorsuutigineqarluni.

Naalakkersuisut Siulittaasuat Inatsisartut Naalakkersuisullu pillugit Inatsisartut inatsisaanni § 28 naapertorlugit Inatsisartut Naalakkersuisunut taakkunungalunniit ilaasortamut tatiginnikkunnaarnermik akuersisimappata maanaannakkut qinersinissamik nalunaaruteqarnissamut aamma periarfissaqarpoq. Tatiginninnginnermik nalunaaruteqarluni oqaluuserisassatut siunnersuummik akuersisoqarnerup saniatigut pisuni allani maanaannakkut qinersisoqarnissaanik nalunaaruteqarnissamut Naalakkersuisut Siulittaasuat periarfissaqanngilaq. Naalakkersuisut inatsisissatut aalajangiiffigisassatullunniit siunnersuutaata itigartinneqarnera, Inatsisartut Naalakkersuisunut isornartorsiunerat

imaluunniit Naalakkersuisooqatigiit avissaarnerat tunngavissatut naammanngillat.

Naalakkersuisut Siulittaasuannut imaluunniit Naalakkersuisunut tamanut tatiginnikkunnaarnermik takutitsineq Inatsisartunit akuerineqarpat aammalu Naalakkersuisut Siulittaasuat nutaamik qinersisoqarnissaanik nalunaaruteqarusunngippat Inatsisartunut nutaamik qinersinerup kingorna periutsit assingi malillugit Naalakkersuisunik nutaanik Inatsisartut qinersissapput. Naalakkersuisut nutaat pilersinneqarsinnaanngippata Inatsisartut immikkut inatsisaat malillugu nutaamik immikkut qinersinissamik Inatsisartut nalunaaruteqartariaqalersinnaapput.

Qinersisoqarnissaanik nalunaaruteqartoqareernerani siusinnerpaamik sapaatik akunnerisa arfinillit kingorna aatsaat qinersineq ingerlanneqarsinnaavoq. Qinersisoqarnissaanik nalunaaruteqartoqarnerata aammalu qinersinerup ingerlanneqarnerata akornanni piffissap sivi-sunerusup ingerlasinnaaneranut tunngaviusumik akornutissaqanngilaq.

QINERSISOQARNISSAANIK NALUNAARUTEQARTOQARNERATA KINGORNA

Qinersisoqarnissaanik nalunaaruteqartoqarnerani Inatsisartut nalinginnaasumik sulinerat unittarpoq. Inatsisit aalajangiiffigisassatullu siunnersuutit kiisalu apeqquteqaat aallaavigalugu oqallisissiat naam-massillugit suliarineqanngitsut tamarmik qinersisoqarnissaanik nalunaaruteqartoqarnerani atorunnaartarput. Ataatsimiititaliani suliat aamma taamaattarput.

Taamaalilluni piffissap qinersiviusussap tungaanut ataatsimiititaliani aallaaviatigut suliaqartoqarneq ajorpoq. Aningaasaqarnermut Ataatsimiititaliaq eqqarsaatigalugu pissutsit immikkut ittut atuupput, tassa aningaasaliissuteqarnissamik suliassat naalakkersuineranut tunngasumik imaqanngitsut kisimik ataatsimiititaliamit suliarineqarsinnaapput, taakku inuiaqatigiit ingerlanneqarnerat eqqarsaatigalugu kinguartinneqarsinnaanngippata tamannalu ataatsimiititaliamit tamarmiusumit isumaqatigineqarpat.

Tamatuma peqatigisaanik Inatsisartut Naalakkersuisunik nutaanik qinersinissaasa tungaanut Naalakkersuisut sulinertik ingerlatiinnasavaat. Naalakkersuisuugallartut suliat ingerlasut ingerlaannarnissaan-

nut pisariaqartunik taamaallaat suliaqarsinnaapput.

Inatsisartunut nutaamik qinersineq aamma Naalakkersuisunik atuukkunnaarsitsineq pillugit aalajangersakkat Inatsisartut Naalakkersuisullu pillugit inatsimmi kapitali 6-imi allassimapput.

Inatsisartut Naalakkersuisullu pillugit Inatsisartut
inatsisaat nr. 26, 18. november 2010-meersoq
Inatsisartut inatsisaata nr. 12, ulloq 29. november 2013-imeersup
malitsigisaanik allannguutitalik

Kapitali 6

*Inatsisartunut nutaamik qinersineq aamma Naalakkersuisunik
atuukkunnaarsitsineq*

§ 26. Naalakkersuisut siulittaasuat piffissap qinigaaffiup atuuffiata naannginnerani Inatsisartunut nutaamik qinersinissamik nalunaaruteqassaaq.

§ 27. Naalakkersuisut siulittaasuat imaluunniit Naalakkersuisunut ilaasortat ataasiakkaat Inatsisartunit tatigineqarunnaarpata Naalakkersuisut Inatsisartunit atuukkunnaarsinneqarsinnaapput.

Imm. 2. Naalakkersuisut siulittaasuat atuukkunnaarsinneqarpat Naalakkersuisut ataatsimoorlutik atuukkunnaassapput.

§ 28. Naalakkersuisut siulittaasuat § 27 naapertorlugu Naalakkersuisunut ilaasortamik imaluunniit Naalakkersuisunik tamarmiusunik Inatsisartut atuukkunnaarsitsisimappata Inatsisartunut nutaamik qinersisoqassasoq ingerlaannartumik nalunaaruteqarsinnaavoq.

§ 29. Naalakkersuisut atuukkunnaarsinneqarpat imaluunniit soraarnissaq qinnutigippassuk imaluunniit nutaamik qinersinissaq nalunaarutigineqarpat, Naalakkersuisut nutaat qinerneqarnissaasa tungaanut Naalakkersuisut atuukkallassapput. Naalakkersuisuugalartut atorfimmi suliassat ingerlaannarnissaannut pisariaqartunik taamaallaat suliaqarsinnaapput.

Kapitali 3



Kina qinigassanngortissinnaava, kinalu qinersisinnaava

KINA QINIGASSANNGORTISSINNAAVA?

Qinersinissami qinigassanngortissinnaapput:

- Partiit, Inatsisartunut kingullermik qinersineqarmat Inatsisartuni ilaasortaatitaqalersimasut sulilu ilaasortaatitaqartut.
- Partiit nutaat kingusinnerpaamik sapaatit akunnerinik tallimanik sioqqullugu Inatsisartunut qinersinermi kingullermi taasinerit atorsinnaatitaasut tamavimmik 1/31-iisa amerlaqataannik kater-simasut. 2013-imi marsimi qinersinermi taasinerit atorsinnaasut 29.873-iupput, taamalu 28. november 2014-imi qinersinissami partiit nutaatut qinigassanngortinnissamut piumasaqaatit min-nerpaaffissaat tassaalluni atsiornernik 964-inik katersisimanissaq. Atsiornertit katersorneqartut ukiumit ataatsimit pisoqaanerus-sanngillat.
- Partiit avataatigut qinigassanngortittut ("kisimiillutik qinigas-sanngortittut") qinigassanngortitsisut ikinnerpaamik 40-t amerlan-erpaamillu 50-it atsiornernerik katersisimasut. Kinaluunniit qinigas-sanngortittunut arlalinnut qinigassanngortitsisuusinnaangilaq.
- Partiit avataanni kattusseqatigiit aammalu ikinnerpaamik kattus-seqatigiinnut qinigassanngortittumut ataatsimut qinigassanngor-titsisut ikinnerpaamik 40-t amerlanerpaamillu 50-it atsiornernerik katersisimasut. Kinaluunniit kattusseqatigiinni arlalinni ilaasor-taaffeqarsinnaangilaq.

Kattusseqatigiit naalakkersuinikkut imminnut qanillutik kisimiillutik qinigassanngortittut aammalu ilaasortaaffiit agguataarneqarnerisa naatsorsorneqarneranni qinigassanngorteqatigiittut ataatsitut isigineqartut akornanni pilersinneqarajupput. Pisut ilaanni tamatuma kingunerisinnaasarpaa kattusseqatigiinni peqataasut, kattusseqatigiissimannikkaluarunik pissarsiassaminnit katillugit amerlanerusunik ilaasortaatitaqalernerat. Peqataasut kattusseqatigiinnut ilaalerner-

mikkut taamaalillutik taasinerit kattusseqatigiinni qinigassanngortittunit pissarsiarineqartussat maanaannartarnerannik pisut ilaanni annikillisaasinnaapput.

Partii arlalinnik qinigassanngortitsisinnaavoq, taamaattorli amerlanerpaamik 62-inik. Partii sinnerlugu qinigassanngortittoq qinigassanngortittut allat peqatigalugit kattusseqatigiinni peqataasinnaangilaq. Qinigassanngortittut partiinut nalunaarsuiffimmi allassimasut partiimi oqartussaasunit, partiip malittarisassai malillugit Inatsisartunut qinersinermut qinigassanngortitsinissamut akuersisartunit (assersuutigalugu siulersuisuunernit) akuerineqassapput. Partiinut nalunaarsuiffiit nalunaarutigineqarneri tamarmiusut qinersinissaq sapaatip akunnerinik pingasunik sioqqullugu kingusinnerpaamik nal. 12.00 kommunimi qinersineri siulersuisunut tunniunneqarsimassapput.

Tamatuma tunngaviatigut kingunerissavaa piffissap qinersinissamik nalunaaruteqarfiusup aammalu qinigassanngortittunik partiinilluunniit nutaanik nalunaarutiginninissamut ullup tunniussivissap kingulliup akornanni piffissaq sivisuneq ajormat.

Qinersisoqarnissaanik nalunaaruteqartoqarneranut atatillugu qinersinermut ataatsimiititaliamik qinersinermut siulersuisussamik pilersit-sisoqassaaq, tassani ilaasortaassallutik Namminersorlutik Oqartussani pisortaaneq (siulittaasoq), Kalaallit Nunaanni Kommunit Kattuffianni KANUKOKA-mi pisortaq aammalu biskoppi. Taakku ilaatigut suliasaaraat qinigassanngortittutut nalunaarutigineqartunik akuersissuteqarneq tamanullu saqqummiussineq. Qinersinerup kingorna qinersinermut ataatsimiititaliaq qinersineq pillugu nalunaarusiussaaq.

Nunatsinni kommunini sisamaasuni tamani qinersinerit qinersineri siulersuisunit, tassaasunit kommunip borgmesteria aammalu ikinnerpaamik kommunalbestyrelsinut ilaasortat marluk, piareersarneqarlutillu siulersorneqassapput.

”QINIGAASINNAANERMUT PIUMASAQAATIT”

Imaanngilaq kikkut tamarmik Inatsisartunut qinerneqarsinnaasut. Qinigaasinnaanermut piumasaqaatit makku naammassineqarsimassapput:

- Qinigassanngortittoq qinigassanngortissinnaassaguni nammineq qinersinnaatitaassaaq (tassa imaappoq taasisinnaatitaassaaq).

- Qinigassanngortittoq nalinginnaasumik isigineqarnermi inatsisartunut ilaasortaanissamut naleqqukkunnaarsitsisumik inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimasuussanngilaq (“nalinginnaasumik isigineqarnermut pi-masaqaatit”).

Nalinginnaasumik isigineqarnermut piumasaqaat naammassineqarsimanersoq qinersinerup kingorna Qinigaanerup Misilinneqarnissaanut Ataatsimiititaliamit inassuteqaat malillugu Inatsisartunit aalajangiivigineqassaaq.

Qinigassanngortittoq inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimatilluni pineqartup qinersinermi qinigassanngortinnissamut taamaalilluni mattunneqanngilaq, tamatumali kingunerisinnaavaa qinersinerup inernera apeqqutaatinnagu qinigassanngortittup Inatsisartunut ilaasortanngornissaa akuerineqarsinnaanngimmat.

KINA QINERSISINNAAVA?

Inatsisartunut qinersinermi peqataaniaraanni qinersisartut allattorsimaffianni ilanngunneqarsimasariaqarpoq. Qinersisartut allattorsimaffiannut ilanngunneqarnissamut piumasaqaatit makkuupput:

- Qinersisartuq danskisut innuttaassuseqassaaq,
- Qinersisartuq kingusinnerpaamik ullormi qinersiffissami 18-inik ukioqalereersimassaaq,
- Qinersisartuq ullormi qinersiffissami Kalaallit Nunaanni aalajangersimasumik najugaqartuussaaq aammalu ulloq qinersiffissaq sioqqullugu Kalaallit Nunaanni sivikinnerpaamik qaammatini arfinilinni aalajangersimasumik najugaqartuussaalluni, aamma
- Qinersisartuq nammineersinnaajunnaarsitaasimassanngilaq.

INUIT NUNANI ALLANIKKALLARTUT

Aamma inuit Kalaallit Nunaata avataaniikkallartut aammalu katissimalugit inooqatigisaat imaluunniit inuit katissimalluni aappariinnertut ilusilimmik inooqatillit sumi najugaqarnissamik piumasaqaat eqqaas-

sanngikkaanni piumasarineqartut naammassisimagunikkit Inatsisartunut qinersisinnaapput:

- Inuit ilinniagaqarlutik Kalaallit Nunaata avataanniittut.
- Inuit peqqinnissamut tunngasunik pissuteqarlutik Kalaallit Nunaata avataanniittut.
- Inuit Kalaallit Nunaanni qinigaallutik folketingimi ilaasortatut suliaqarnerminnut atatillugu Danmarkimiittut.
- Inuit Namminersorlutik Oqartussanut sinniisuullutik Kalaallit Nunaata avataanniittut.
- Inuit Kalaallit Nunaata avataanniittut, Kalaallit Nunaannulli attuumassuteqarnikkut inunnut siuliani taaneqartunut taaneqartunut sanilliunneqarsinnaasut.

Taamaattoq inuit taaneqartut aatsaat nuunnginnerminni sivikinnerpaamik ukiuni marlunni Kalaallit Nunaanni inuit aqqisa nalunaarsorsimaffiini allassimasimagunik qinersisinnaapput. Qinersisartut allattorsimaffiannut ilanngunneq kommunimut qinersisartup Kalaallit Nunaanni kingullermik inuit aqqisa nalunaarsorsimaffianni nalunaarfigisimasaminut qinnuteqarnerata kingorna pissaq.

TAASINEQ

Najukkami qinersisarfimmut qinersisartup qinersisartut allattorsimaffianni allassimaffigisaminut nammineerluni ornigunneratigut imaluunniit allakkatigut qinersinikkut qinersisoqarsinnaavoq. Allakkatigut qinersineq qinersisoqarnissaanik nalunaaruteqartoqarnerata kingunit sianngua nalinginnaasumik pisinnaavoq.

Inuit aqqinik nalunaarsuiffimmi allakkatigut taasisoqarsinnaavoq. Kommunimut qinersisartut allattorsimaffiannut allanneqarfigisimasamut qinersisoqassaaq. Nunaqarfinnut atatillugu inuit aqqinik nalunaarsorsimaffimik ingerlatsisup ikiortaanut allakkatigut qinersisoqarsinnaavoq. Qinersisartut inoqarfinni avinngarusimasuni najugaqartut inummut qinersisinnaasumut qinersinermi siulersuisunit attavigisaminnit toqqarneqarsimasumut allakkatigut taasisinnaapput.

Aammattaaq napparsimmavinni peqqissartarfinnilu kiisalu pinerluuteqarsimasunik isumaginnittoqarfiup ataani suliffeqarfinni allakkatigut

taasisoqarsinnaavoq.

Qinersisartut umiarsuarni Kalaallit Nunaanni angerlarsimaffeqartuni-ittut umiarsuup naalagaanit, taassumaluunniit toqqagaanit, taasisin- neqarsinnaapput. Qinersisartut silasiorffinni mittarfinnilu il.il. kommunit aggornerisa avataanniittuni najugaqartut inummut Qinersinermut Ataatsimiititaliamit piginnaatitaasumut taasisinnaapput.

Qinersisartut Danmarkimiittut imaluunniit Savalimmiuniittut inuit aq- qisa nalunaarsorsimaffianni imaluunniit Københavnimi Sinniisoqarfim- mi taasisinnaapput.

Qinersisartut naalagaaffiup avataani najugaqartut qallunaat aallarti- taqarfiini imaluunniit konsuleqarfiini taasisinnaapput.

Allakkatigut taasineq kommunimut qinersisartup qinersisartut allat- torsimaffianni allanneqarfigisimasaanut nassiuqqassaaq. Allakkati- gut taasineq taasiffimmi qinersisup qinersisartut allattorsimaffianni allanneqarfigisimasaani qinersinerup naannginnerani tiguneqarsimas- saaq. Taamaattumik piffissaalluartillugu allakkatigut taasisoqassasoq kaammattuutigineqarpoq.

Kapitali 4



Qinersisartut allattorsimaffiat qinersiviillu

QINERSISARTUT ALLATTORSIMAFFII

- Qinersinissaq nalunaarutigineqareeraangat qinersinermut ataatsimiittitaliaq qinersisartut allattorsimaffiannik suliaqassaaq. Qinersisartut qinersisinnaanissamut qinersisartut allattorsimaffianni ilanngunneqarsimasariaqarpoq piumasaqaatillu makku eqquutsin-neqarsimassallutik:
- Qinersisartoq qinersinissaq kingusinnerpaamik sap. akunnerinik arfinilinnik sioqqullugu kommunimut nuussimassaaq aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimassalluni,
- Qinersisartut qinersinissaq kingusinnerpaamik sap. akunnerinik arfinilinnik sioqqullugu kommunip iluani nuussimasut aammalu kingusinnerpaamik ulloq taanna nuunnerminnik kommunimi inuit aqqisa nalunaarsorsimaffiannut allatsissimasut najugarilikkaminni allasimallutik qinersisartut allattorsimaffiannut ilanngunneqassapput,
- Qinersisartut qinersinissaq sioqqullugu sap. akunnerisa arfinillit iluanni kommunimut allamut nuussimasut imaluunniit kommunip iluani allamut nuussimasut imaluunniit nuunnissaminnik kingusinnerpaamik ulloq taanna nalunaaruteqarsimasut ulloq taanna tikillugu najugarisimasaminni najugalittut qinersisussat allattorsimaffianni nalunaarsorneqassapput,
- Qinersisartut Kalaallit Nunaat qimallugu najugaqalerallartut aammalu piumasaqaatinik siuliani taaneqartunik eqquutsitsisut qinersinissaq sioqqullugu kingusinnerpaamik sap. akunnerisa arfinilissaanni tamanna pillugu qinersinermi siulersuisut aalajangiisimappata qinersisussat allattorsimaffiannut ilanngunneqassapput.

NUNARPUT TAMARMI ATAATSIMUT QINERSIVIUVOQ

Kalaallit Nunaat 1998-imilli qinersivinnut ataasiakkaanut agguagaajunnaarpoq. Taamaalilluni nunarput qinersiviuvoq ataasiinnaq, tamannalu qinersisinnaatitaanerup tamanut naligiimmik atuunnissaanik periutsimut naapertuulluni. Taamatut ilusiliinikkut Inatsisartut sulineranni

nuna tamakkerlugu naalakkersuinikkut pingaarnertut isiginiagassat siuarsarneqarnissaat kissaatigineqarpoq. Taamaalillutik Inatsisartunut ilaasortat najugartik salliutillugu naalakkersuinikkut suliaqartussaannngillat aammalu nunap immikkoortuini immikkut soqutigisanik erseqqissaateqarnatillu sinniisuuffeqassanatik Kalaallit Nunaannulli tamarmut pitsaanerpaasusaaq sulissutigisussaallugu.

QINIGASSANNGORTITTOQ QAQUGUKKUT QINIGAASARPA?

Ullormi qinersiviusumi qinersinermi taasinernik kisitsineq nal. 20.00 aallartissaaq qinersinerullu inernerigallagaa unnuap qeqqata nalaani naammassineqarajulluni. Pappiaqqat taasiviit kiseqqissaarneqareerpata qinigassanngortittut sorliit qinerneqarnerisut qularnaatsumik aatsaat oqaatigineqarsinnaasarpooq.

Qinersineq qinersinermut ataatsimiititaliamit inaarutaasumik akue-rineqassaaq. Tamanna pissaaq qinersinermi atortut qinersinermut siulersuisunit ataasiakkaanit nassiunneqartut qinersinermut ataatsimiititaliamit misissorneqareerpata. Qinersinerup atorsinnaassusia naammagittaalliutiginiaraanni tamanna pissaaq qinersinereernermit ullut arfineq marluk iluanni.

Taasinert tamarmiusut inernerisa naatsorsornerini partiinut qinigassanngortittunullu taasinert ataatsimut naatsorsorneqassapput. Tamatuma kingorna ilaasortaaffiit agguataarneqassapput d'Hondtip periaasia malillugu, tassa partiit ataasiakkaat, kattusseqatigiit ataasiakkaat kisimiillutillu qinigassanngortittut ataasiakkaat taasisaasa katinneri 1-imik, 2-mik, 3-mik ilaasortaasinnaasut amerlassusaaq tikillugu agguartiterneqassapput. Siulliulluni ilaasortanngussaaq partii, kattusseqatigiit imaluunniit kisimiilluni qinigassanngortittoq amerlanerpaamik taagorneqarsimasooq, qinersivimmi tulliulluni ilaasortanngussalluni partii, kattusseqatigiit imaluunniit kisimiilluni qinigassanngortittoq, amerlanerpaamut tulliulluni taaguunneqarsimasooq, taamalu pisoqaqattaasaaq inatsisartunut qinersivimmi pineqartumi ilaasortaaffissat tamakkernissaasa tungaannut.

Imm. 3. Ilaasortaaffiit partiimit kattusseqatigiiffimmilluunniit ilaasortaaffigineqalersussat partiip kattusseqatigiiffiulluunniit qinigassanngortitaanut agguarneqassapput siulliulluni ilaasortasussanngorlugu qinigassanngortitaq amerlanerpaamik taagorneqar-

Inatsisartunut qinersineq • 12. marts 2013 • Valg til Inatsisartut

Ataasinnarmik krydsilissuqassaaq • Una taavara / Jeg stemmer på / Set kun ét kryds

ATASSUT	
<input type="checkbox"/> ATASSUT	
<input type="checkbox"/> Abelsen, Jacob	Tasiliq
<input type="checkbox"/> Cortzen-Blytmann, Aksel	Nuuk
<input type="checkbox"/> Fleischer, Knud	Balisat
<input type="checkbox"/> Grim, Karl-Peter	Upernavik Qaqortoq
<input type="checkbox"/> Heilmann, Erik H.K.	Nuuk
<input type="checkbox"/> Heilmann, Siverth K.	Manitssoq
<input type="checkbox"/> Heilmann, Uthilie	Nuuk
<input type="checkbox"/> Jensen, Margrethe Kruse	Nuuk
<input type="checkbox"/> Jessen, Paorninguaq ¹ Johnsen	Nuuk
<input type="checkbox"/> Kleemann, Knud	Upernavik
<input type="checkbox"/> Kristiansen, Armanguaq ²	Aasiaat
<input type="checkbox"/> Kristiansen, Knud	Upernavik
<input type="checkbox"/> Kruse, Paminguaq ³ M.	Sisimiut
<input type="checkbox"/> Kuko, Mafa Hay	Tasiliq
<input type="checkbox"/> Lerch, Mette Sofia	Sisimiut
<input type="checkbox"/> Lynge, Steen	Nuuk
<input type="checkbox"/> Madsen, Erling	Ittoqqortormiit
<input type="checkbox"/> Melgård, Tom	Kitsissarsaat
<input type="checkbox"/> Noahsen, Søren	Qaqortoq
<input type="checkbox"/> Peary, Masauna	Aasiaat
<input type="checkbox"/> Petersen, Gerhardt	Qaqortoq
<input type="checkbox"/> Poulsen, Martha Bolethe	Nuuk
<input type="checkbox"/> Rasmussen, Godmand	Sisimiut
<input type="checkbox"/> Sørensen, Avgo Otto	Aasiaat
<input type="checkbox"/> Thomassen, Ove	Nuuk

DEMOKRAATIT / DEMOKRATERNE	
<input type="checkbox"/> DEMOKRAATIT/DEMOKRATERNE	
<input type="checkbox"/> Bisgaard, Nuka	Nuuk
<input type="checkbox"/> Bildorf, Ulrik	Nuuk
<input type="checkbox"/> Chemnitz, Allan	Nuuk
<input type="checkbox"/> Christiansen, Palle	Nuuk
<input type="checkbox"/> Frederiksen, Jens Bildorf	Nuuk
<input type="checkbox"/> Hansen, Justus	Tasiliq
<input type="checkbox"/> Holding, Jeannette A.	Nuuk
<input type="checkbox"/> Jakobsen, Klara	Balisat
<input type="checkbox"/> Jensen, Sussi	Nuuk
<input type="checkbox"/> Lange, Stine M.	Qaqortoq
<input type="checkbox"/> Martinussen, Tillie	Nuuk
<input type="checkbox"/> Poulsen, Aviaaja K.	Nuuk
<input type="checkbox"/> Rosing, Michael	Nuuk
<input type="checkbox"/> Svendsen, Svend	Nuuk
<input type="checkbox"/> Thorleifsen, Sascha	Nuuk
<input type="checkbox"/> Uldum, Andreas	Nuuk
<input type="checkbox"/> Vahl, Ida	Qaqortoq

INUIT ATAQATIGIIT	
<input type="checkbox"/> INUIT ATAQATIGIIT	
<input type="checkbox"/> Abelsen, Malina	Nuuk
<input type="checkbox"/> Adolfsen, Nukannguaq	Nanortalik
<input type="checkbox"/> Aronsen, Hans	Kangerlussaq
<input type="checkbox"/> Barthelsen, Kelly	Qaqortoq
<input type="checkbox"/> Barthelsen, Olga Poulsen	Nuuk
<input type="checkbox"/> Barthelsen, Ove Karl	Nuuk
<input type="checkbox"/> Barthelsen, Qulutannguaq	Nuuk
<input type="checkbox"/> Bianco, Harald	Tasiliq
<input type="checkbox"/> Bianco, Tobias	Tasiliq
<input type="checkbox"/> Brandt, Aviaq	Nuuk
<input type="checkbox"/> Broberg, Bia A.	Qaqortoq
<input type="checkbox"/> Brummerstedt, Henrik	Nanortalik
<input type="checkbox"/> Davidsen, Lasse	Qaqortoq
<input type="checkbox"/> Edvardtsen, Anga Peter	Narsaq
<input type="checkbox"/> Egede, Aqqaq B.	Nuuk
<input type="checkbox"/> Egede, Mute Bourup	Qaqortoq
<input type="checkbox"/> Enoksen, Juliane	Sisimiut
<input type="checkbox"/> Fontein, Agathe	Sisimiut
<input type="checkbox"/> Hammond, Isak	Umanngaaq
<input type="checkbox"/> Hansen, Ane	Aasiaat
<input type="checkbox"/> Hansen, Ane Marie Schmidt	Sisimiut
<input type="checkbox"/> Heilmann, Nikkulaat	Upernavik
<input type="checkbox"/> Henningsen, Juliane	Nuuk
<input type="checkbox"/> Ingemann, Malene	Sisimiut
<input type="checkbox"/> Josefson, Ivana	Nuuk
<input type="checkbox"/> Karlsen, Mimi	Nuuk
<input type="checkbox"/> Kleist, Kuupik Vandersee	Nuuk
<input type="checkbox"/> Ljungdahl, Olga Barthelsen	Sisimiut
<input type="checkbox"/> Lund, Kalistat	Narsaq
<input type="checkbox"/> Lyberth, Søren P.	Paamiut
<input type="checkbox"/> Maqe, Henning	Tasiliq
<input type="checkbox"/> Nathanielsen, Naaja H.	Nuuk
<input type="checkbox"/> Nielsen, Jøsum	Aasiaat
<input type="checkbox"/> Nerbæk, Stine Egede	Qaqortoq
<input type="checkbox"/> Olsen, Johan Lund	Nuuk
<input type="checkbox"/> Olsen, Kaali	Nuuk
<input type="checkbox"/> Olsen, Peter	Aasiaat
<input type="checkbox"/> Olsvig, Sara	Nuuk
<input type="checkbox"/> Petersen, Magnus	Kullorsuaq
<input type="checkbox"/> Petersen, Naimangitsoq	Qaanaaq
<input type="checkbox"/> Rex, Astrid Flaischer	Narsaq
<input type="checkbox"/> Rosing, Inge-Marie J.	Qaqortoq
<input type="checkbox"/> Rossen, Sofia	Qaqortoq
<input type="checkbox"/> Stephensen, Ole	Qaqortoq
<input type="checkbox"/> Thomassen, Laila Knudsen	Nuuk
<input type="checkbox"/> Ziemer, Nikolaine	Nuuk

KATTUSSEQATIGIIT PARTIIAT	
<input type="checkbox"/> KATTUSSEQATIGIIT PARTIIAT	
<input type="checkbox"/> Dalager, Hans	Balisat
<input type="checkbox"/> Frederiksen, Anthon	Balisat
<input type="checkbox"/> Frederiksen, Karl	Nuuk
<input type="checkbox"/> Heilmann, Angutinguaq ⁴	Nuuk
<input type="checkbox"/> Johansen, Lars	Qaqortoq
<input type="checkbox"/> Olsvig, Villy	Sisimiut
<input type="checkbox"/> Schmidt, Aqqaq	Sisimiut
<input type="checkbox"/> Tobliassen, Katrine	Nuuk
<input type="checkbox"/> Zeeb, Ole	Saqqaq

PARTII INUIT	
<input type="checkbox"/> PARTII INUIT	
<input type="checkbox"/> Broberg, Randi	Nuuk
<input type="checkbox"/> Christensen, Peter	Nuuk
<input type="checkbox"/> Johansen, Abigaël Mikaelson	Nuuk
<input type="checkbox"/> Korneliusson, Villads	Qaanaaq
<input type="checkbox"/> Kristiansen, Adolf	Tasiliq
<input type="checkbox"/> Lange, Frederik	Nuuk
<input type="checkbox"/> Lange, Jens Peter	Balisat
<input type="checkbox"/> Lyberth, Ulrik Maki	Sisimiut
<input type="checkbox"/> Lynge, Mette	Nuuk
<input type="checkbox"/> Mathausen, Lars P.	Nuuk
<input type="checkbox"/> Mikaelson, Lars Bianco	Kuluuk
<input type="checkbox"/> Melgaard, Jens Peter	Manitssoq
<input type="checkbox"/> Olsen, Markus E.	Balisat
<input type="checkbox"/> Olsen, Nikku	Nuuk
<input type="checkbox"/> Petersen, Ane	Tasiliq
<input type="checkbox"/> Petersen, Mads	Narsarsuaq
<input type="checkbox"/> Wille, Kasper	Balisat

SIUMUT	
<input type="checkbox"/> SIUMUT	
<input type="checkbox"/> Andersen, Margrethe Thårup	Nuuk
<input type="checkbox"/> Barthelsen, Per	Nuuk
<input type="checkbox"/> Broberg, Kristian	Qaqortoq
<input type="checkbox"/> Dridriksen, Saxtorph	Nuuk
<input type="checkbox"/> Dinesen, Hans Jørgen	Nuuk
<input type="checkbox"/> Efrainsen, Richard	Narsaq
<input type="checkbox"/> Enoksen, Hans	Kullorsuaq
<input type="checkbox"/> Fleischer, Gert	Umanngaaq
<input type="checkbox"/> Frederiksen, Evelyn	Sisimiut
<input type="checkbox"/> Hammond, Aleqa	Nuuk
<input type="checkbox"/> Hansen-Kristiansen, Andersine	Tasiliq
<input type="checkbox"/> Heilmann, Ruth	Manitssoq
<input type="checkbox"/> Imanpølsen, Jens	Upernavik
<input type="checkbox"/> Jakobsen, Doris	Nuuk
<input type="checkbox"/> Jeremiassen, Kristian	Qaqortoq
<input type="checkbox"/> Jeremiassen, Nikolaj	Naqortarsuaq
<input type="checkbox"/> Jeremiassen, Vittus	Nuuk
<input type="checkbox"/> Johansen, Fritz	Ilmariaq
<input type="checkbox"/> Johansen, John	Paamiut
<input type="checkbox"/> Johansen, Lars-Emil	Nuuk
<input type="checkbox"/> Karlsen, Finn	Nuuk
<input type="checkbox"/> Kielsen, Kim	Paamiut
<input type="checkbox"/> Kirkegaard, Jens-Erik	Nuuk
<input type="checkbox"/> Kreutzmann, Albrecht	Kangerlussaq
<input type="checkbox"/> Kristiansen, Mads Ole	Qaanaaq
<input type="checkbox"/> Kruse, Karl-Kristian	Maqortat
<input type="checkbox"/> Larsen, Mette Rasmussen	Nuuk
<input type="checkbox"/> Lundblad, Ingvar	Nuuk
<input type="checkbox"/> Lundblad, Karl	Aasiaat
<input type="checkbox"/> Lyberth, Kaj	Qaqortoq
<input type="checkbox"/> Lyberth, Karl	Manitssoq
<input type="checkbox"/> Maratse, Pele	Kuluuk
<input type="checkbox"/> Markussen, Ole Aggo	Qaqortoq
<input type="checkbox"/> Mathiasen, Apollo	Saartut
<input type="checkbox"/> Mathiasen, Marie Lyberth	Qaqortoq
<input type="checkbox"/> Mikaelson, Vittus Maaru	Tasiliq
<input type="checkbox"/> Melgaard-Motzfeldt, Ole	Qaqortoq
<input type="checkbox"/> Nielsen, Nick	Balisat
<input type="checkbox"/> Olsen, Anders	Nanortalik
<input type="checkbox"/> Olsen, Hans Henrik	Sisimiut
<input type="checkbox"/> Olsen, Johanne	Sisimiut
<input type="checkbox"/> Olsen, Martha Lund	Nuuk
<input type="checkbox"/> Olsen, Peter Søren	Manitssoq
<input type="checkbox"/> Ostermann, Tom	Nuuk
<input type="checkbox"/> Petersen, Lars Peter	Nuuk
<input type="checkbox"/> Petersen, Timotheus	Kullorsuaq
<input type="checkbox"/> Qujaukitsoq, Vittus	Nuuk
<input type="checkbox"/> Rasmussen, Kenneth	Nuuk
<input type="checkbox"/> Rosing, Per	Nuuk
<input type="checkbox"/> Sandgreen, Enok	Aasiaat
<input type="checkbox"/> Skifte, Aqqaq	Manitssoq
<input type="checkbox"/> Svenningsen, Lise	Nuuk
<input type="checkbox"/> Therkelsen, Jens Kristian	Berarsak
<input type="checkbox"/> Zeeb, Aka Nuunu	Alutissup Paa



KISIMILLUTIK QINGASSANNGORTITUT ENKELTKANDIDATER	
<input type="checkbox"/> Madsen, Max	Nuuk

Taasinermi pappiaqqamut assersuusaaq

simasoq, qinersivimmi tulliuulluni ilaasortaasussanngorlugu qinigas-
 sanngortitaq amerlanerpaamut tulliuulluni taaguunneqarsimasoq,
 taamalu pisoqaqattaassaaq inatsisartunut qinersivimmi pineqartumi
 partiip kattusseqatigiiffmlluunniit pineqartup ilaasortaaffissaasa ta-
 makkerlutik agguanneqareernissaasa tungaannut.


2013-IMI QINERSINERUP INERNERI

Partii	Taasinerit	%	Ilaasortat
Atassut	2.454	8,1%	2
Demokraatit	1.870	6,2%	2
Inuit Ataqaatigiit	10.374	34,4%	11
Kattusseqatigiit Partiiat	326	1,1%	0
Partii Inuit	1.930	6,4%	2
Siumut	12.910	42,8%	14
Allat	9	0,0%	0



2013-IMI 2009-MILU QINERSINERIT INERNERISA SANILLIUNNERI

Kisitsisit qitiusut	Qinersineq 2013	Qinersineq 2009	Allannguut
Taasisinnaatitaasut	40.613	39.990	+ 623
Taasinerit	30.136	28.510	+ 1.626
Allaffigineqarsimangitsut	145	124	+ 21
Atorsinnaangitsut	118	111	+ 7
Atorsinnaasut katillugit	29.873	28.275	+ 1.598
Taasiartortut procentinngorlugit	74,2%	71,3%	+ 2,9



QINIKKAT AGGUATAARNEQARNERAT 2013

Partii / qinigassanngortittoq	Taasinerit
Atassut	
Heilmann, Siverth K. (Maniitsoq)	293
Lynge, Steen (Nuuk)	331
Demokraatit	
Christiansen, Palle (Nuuk)	272
Frederiksen, Jens Blidorf (Nuuk)	513
Inuit Ataqaigiit	
Abelsen, Maliina (Nuuk)	1.334
Aronsen, Hans (Kangaatsiaq)	125
Egede, Aqqaluaq B. (Nuuk)	560
Fontain, Agathe (Sisimiut)	121
Hansen, Ane (Aasiaat)	286
Henningsen, Juliane (Nuuk)	207
Karlsen, Mimi (Nuuk)	113
Kleist, Kuupik Vandersee (Nuuk)	4.369
Lund, Kalistat (Narsaq)	168
Nathanielsen, Naaja H. (Nuuk)	155
Olsvig, Sara (Nuuk)	1.030
Partii Inuit	
Broberg, Randi (Nuuk)	211
Olsen, Nikku (Nuuk)	1.116
Siumut	
Enoksen, Hans (Kullorsuaq)	623
Frederiksen, Evelyn (Sisimiut)	139
Hammond, Aleqa (Nuuk)	6.818
Imanuelsen, Jens (Upernavik)	174
Jakobsen, Doris (Nuuk)	234
Jeremiassen, Kristian (Qasigiannuguit)	206
Jeremiassen, Nikolaj (Niaqornaarsuk)	176
Johansen, Lars-Emil (Nuuk)	400
Karlsen, Finn (Nuuk)	175
Kielsen, Kim (Paamiut)	393
Kirkegaard, Jens-Erik (Nuuk)	156
Kruse, Karl-Kristian (Niaqornat)	216
Lyberth, Karl (Maniitsoq)	264
Qujaukitsoq, Vittus (Nuuk)	205

QINIKKAT AGGUATAARNEQARNERAT 2009

Partii / qinigassanngortittoq	Taasinerit
Atassut	
Heilmann, Siverth K. (Maniitsoq)	215
Karlsen, Finn (Nuuk)	684
Kristiansen, Knud (Upernavik)	169
Demokraatit	
Christiansen, Palle (Nuuk)	396
Frederiksen, Jens B. (Nuuk)	1.050
Rex, Astrid Fleischer (Nuuk)	114
Thomsen, Niels	762
Inuit Ataqtigiit	
Abelsen, Maliina (Nuuk)	1.410
Aronsen, Hans (Kangaatsiaq)	125
Berthelsen, Olga P. (Nuuk)	126
Bianco, Harald (Tasiilaq)	184
Egede, Aqqaluaq B. Nuuk)	325
Fontain, Agathe	200
Hansen, Ane (Aasiaat)	388
Henningsen, Juliane (Nuuk)	1.346
Karlsen, Mimi (Nuuk)	129
Kleist, Kuupik (Nuuk)	5.461
Ludvigsen, Storm (Nuuk)	111
Motzfeldt, Josef	155
Nathanielsen, Naaja (Nuuk)	176
Olsen, Akitsinnguaq	112
Kattuseqatigiit Partiiat	
Frederiksen, Anthon (Ilulissat)	707
Siumut	
Berthelsen, Malik	225
Berthelsen, Per (Nuuk)	160
Enoksen, Hans (Kullorsuaq)	1.413
Hammond, Aleqa (Nuuk)	1.488
Heilmann, Ruth (Maniitsoq)	142
Jakobsen, Doris (Nuuk)	370
Jeremiassen, Kristian (Qasigiannuguit)	154
Kielsen, Kim (Paamiut)	300
Lyberth, Karl (Maniitsoq)	154

Kapitali 5



Inissitsiterneq

ATAATSIMIIGIAQQUSINEQ

Inatsisartut Suleriaasianni § 1, imm. 1 naapertorlugu nutaamik qinersinerup kingornatigut sapinngisamik piaartumik, kingusinnerpaamillu ullut 45-t qaangiunnerisigut Inatsisartut inissitsiterlutik ataatsimiisapput. Ataatsimiigiaqqusisuussaaq ilaasortaq Inatsisartunut sivi-sunerpaamik ilaasortaasimasoq imaluunniit arlallit sivisoqatigiimmik Inatsisartunut ilaasortaasimappata angajulleq (sivisunerpaamik ilaasortaasimasunit angajulleq).

Inissitsiterluni ataatsimiinneq sivisuneq ajorpoq, tassa ullunit marlunniit-sisamanit sivi-suneruneq ajorluni. Oqaluserisassat pingaarnertit tassaasarput siulittaasumik Inatsisartullu Siulittaasoaqarfianik qinersineq, Naalakkersuisunik qinersineq, ataatsimiititalianik pilersitsineq aammalu tullianik ataatsimiinnissap ullusnaanik aalajangersaaneq.

QINIGAANERUP MISILINNEQARNISSAANUT ATAATSIMIITITALIAQ

Qinersinerup kingorna inissitsiterlunilu ataatsimiinnissaaq sioqqullugu Qinigaanerup Misilinneqarnissaanut Ataatsimiititaliaagallartumik pilersitsisoqassaaq, tassani ilaasortaassallutik sivi-sunerpaamik ilaasortaasimasunit angajulleq kiisalu ilaasortat allat sisamat siulittaasumit toqqarneqartut. Inatsisartunut Naalakkersuisunullu ilaasortatut qinerneqartut qinigaasinnaanerat pillugu Inatsisartut suleriaasianni § 1, imm. 3 aamma § 6, imm. 2 naapertorlugu Inatsisartunut inassuteqaasiornissaaq kisiat siunertaralugu ataatsimiititaliaq katersuutissaaq. Ilaasortat tamarmik qinigaasinnaanerat akuerineqaareerpat qinigaanerup misilinneqarnissaanut ataatsimiititaliaagallartooq qinigaanerup misilinneqarnissaanut ataatsimiititaliamit ataavartumit taarserneqassaaq.

SIULITTAASUMIK SIULITTAASOQARFIMMILLU QINERSINEQ

Nutaamik qinersisoqareernerup kingorna inissitsiterfiusumik kater-suunnerminni kiisalu septembarip qaammataani Inatsisartut ukiuata aallartinnerani Inatsisartut ilaasortamik akornannit Inatsisartut Siulittaasusaat siulittaasullu tullii sisamat isumaqatigiinniutigineqanngitsumik qinertassavaat Inatsisartut suleriaasianni § 3, imm. 1 naapertorlugu. Qinerneqartut tassaalissapput Inatsisartut siulittaasoqarfiat. Siulittaasup tullissaanik qinersineq D´Hondtip periaasiani qanoq amerlassuseqarneq najoqqutaralugu pissaaq suleriaatsimi § 27 naapertorlugu.

NAALAKKERSUISUNIK, ULLUINNARNI SULIASSANIK INGERLATSISUSSAATITAASUNIK, QINERSINEQ

Namminersorlutik Oqartussat suliassaataannik ulluinnarni isumaginnineq Naalakkersuisuniippoq. Inissitsiterluni ataatsimiinnermut atatilugu Inatsisartut siullermik qinissavaat Naalakkersuisut Siulittaasusaat, tamatumalu kingorna taassuma Naalakkersuisunut ilaasortassat aalajangersimasumik amerlassusillit aqqisigut taasat qinerneqaqqullugit Inatsisartunut inassutigissavai. Naalakkersuisunut ilaasorta q Inatsisartunut ilaasortaasariaqanngilaq, taamaattoqassappalli Inatsisartunut qinigaasinnaaneq pillugu aalajangersakkanik sukkulluunniit atuuttunik eqquutsitsissaaq. Ileqqut malillugit Naalakkersuisut siulittaasuat partiimut amerlanerpaanik qinerneqarsimasumut ilaasortat akornanni qinerneqarajuppoq.

Naalakkersuisut Siulittaasuat Naalakkersuisunut ilaasortat akornanni suliassat agguataassavai. Aammattaaq Naalakkersuisut Siulittaasua Naalakkersuisunut ilaasorta qinikkatut atuuffianit atuukkunnaarsinnaavaa. Naalakkersuisunut ilaasorta q naalakkersuisunit tunuarniarluni nammineq kissaateqarpat Inatsisartut qinnuteqaat akuerineqarsinnaanersoq aalajangissavaat. Naalakkersuisut Siulittaasua Naalakkersuisunut ilaasorta q ataaseq arlallilluunniit aamma taarsersinnaavai. Tamannattaaq Inatsisartunit akuerineqassaaq.

SINNIISUSSAT SULINNGIFFEQARNERLU

Inatsisartunut ilaasortaq Inatsisartunit tunuarumalluni qinnuteqaateqarpat Inatsisartut aalajangissavaat qinnuteqaat akuerineqassanersoq. Tamannali piffissani ataatsimiinnerit avataanni Inatsisartut Siulittaasoqarfiannit aalajangerneqassaaq. Inatsisartunut ilaasortaq peqqiilliornerminik, naartunerminik erninerminilluunniit, inuussutissarsiutiminik assigisaanilluunniit pingaarutilimmik pissuteqarluni Inatsisartunit sulinngiffeqarallarmalluni qinnuteqarpat Inatsisartut Siulittaasoqarfiata aalajangissavaa qinnuteqaat akuerineqarsinnaanersoq. Aammattaaq Inatsisartunut ilaasortat Naalakkersuisunut ilaasortatut atuuffimminik isumaginninnissamik kissaateqartut sulinngiffeqarnissaat Siulittaasoqarfimmit akuerineqarsinnaavoq.

Naalakkersuisunut ilaasortaq peqqiilliornini allamilluunniit pingaarutilimmik pissuteqartumik sulinngiffeqarnissamik qinnuteqarpat Naalakkersuisut Siulittaasuata aalajangissavaa qinnuteqaat akuerineqarsinnaanersoq. Naalakkersuisut siulittaasuata sulinngiffeqarnissamik nammineq kissaateqarpat tamanna Inatsisartunit akuerineqqaartariaqarpoq.

Inatsisartunut ilaasortaq oqartussaassusiiagaappat, ilaasortaanermi nit tunuarpat, toquppat, sulinngiffeqarallarnissaminut akuerineqarpat imaluunniit pissutissaqavilluni ataatsimeeqataasinnaajunnaarpat sinniisussaa Inatsisartut ataatsimiinnerinut peqataajartoqqullugu ataatsimiigiaqquneqassaaq. Tamanna aamma pisassaaq Inatsisartunut ilaasortap qinigaasinnaanermi annaasaqarneranik Inatsisartut aalajangiigaangata. Ilaasortaq sulinngiffeqarallareersimalluni imaluunniit pissutissaqavilluni ataatsimeeqataangikkallareerluni Inatsisartunut ilaasortatut sulileqqippat sinniisussaa tunuassaaq.

Sinniisussaq tassaavoq inuk qinerneqartut allasimaffianni inummut kingullermut Inatsisartunut isertumut sanilliullugu amerlanerpaanit taaneqarsimasoq.

ILAASORTAQ PARTIIMUT ALLAMUT NUUPPAT

Inatsisartunut qinigaareeraanni qinigaaneq inummut atassaaq, partii-
mut taasinerit aqqutigalugit tamakkiisumik ilaannakortumilluunniit pis-
sarsiarineqarsimagaluarpulluunniit. Piffissap qinigaaffiup ingerlanerani
ilaasortaq partiimut allamut nuuppat imaluunniit attaviitsunngorpat
qinigaaneq attatiinnarneqassaaq pineqartorlu Inatsisartunut ilaasor-
taaginnarluni. Qinigassanngortittoq partiimut allamut nuuttoq piffis-
sap ilaani peqataanngippat qinigassanngortittup parteereqqaagaa
sinniisussamik qinerneqartut allassimaffianni allassimasumik agger-
saassaaq.

ATAATSIMIITITALIANIK PILERSITSINEQ

Qinersinerup kingorna inissitsiterluni ataatsimiinnermut atatillugu
ataatsimiititaliat arlallit pilersinneqassapput. Ataatsimiititalianut ilaa-
sortat ataasiakkaat D'Hondtip periaasia malillugu qinerneqassapput.

Inatsisartut inissitsiterlutik ataatsimiinnermini, tamatumalu kingorna
inatsisartut ukiuata nutaap septembarip qaammataani aallartinnerani
ataatsimiititaliat uku pilersissavaat:

- Qinigaanerup Misilinneqarnissaanut Ataatsimiititaliaq
- Nunanut Allanut Sillimaniarnermullu Ataatsimiititaliaq
- Inatsisinut Ataatsimiititaliaq
- Siulittaasoqarfiup inassuteqarneratigut ataatsimiititaliat ataavar-
tut allat

Inatsisartut taamatuttaaq inissitsiterlutik ataatsimiinnermini uper-
naakkullu ataatsimiinnerit tamaasa ataatsimiititaliat uku pilersissa-
vaat:

- Aningaasaqarnermut Akileraartarnermullu Ataatsimiititaliaq
- Kukkunersiuineranut Ataatsimiititaliaq

Ataatsimiititalianut ataasiakkaanut ilaasortat agguataarneqarnerat
D´Hondtip periaasia malillugu pissaq. Ataatsimiititaliat ataasiakkaat
siulittaasulerlutik siulittaasullu tullilerlutik inissitsitissapput.

OMBUDSMANDIMIK QINERSINEQ

Qinersisoqareernerit tamaasa atorfillu inuttaarukkaangat Inatsisartut Ombudsmandimik qinersisassapput. Ombudsmandi Inatsisartunit tatigineqarunnaarpat Ombudsmandi Inatsisartut soraarsissinnaavaat. Ombudsmandi suliaminik ingerlatsinermini Inatsisartunut attuumas-suteqanngilaq.

Kapitali 6



Qinersinerit inernerinut takussutissiaq

Ulloq 4. april 1979-imi qinersineq, qinigaaffiit siullersaat

Taasinerit katillugit: Taasisinnaatitaasunit 28.665-init 19.951-it

Taasinerit procentiat: 69,6%

Inatsisartut Siulittaasuat: Jonathan Motzfeldt, S

Naalakkersuisut Siulittaasuat: Jonathan Motzfeldt, S

Naalakkersuisut: Siumut (5)

Ulloq 12. april 1983-imi qinersineq, qinigaaffiit aappaat

Taasinerit katillugit: Taasisinnaatitaasunit 33.953-init 25.204-t

Taasinerit procentiat: 75,1%

Inatsisartut Siulittaasuat: Jonathan Motzfeldt, S

Naalakkersuisut Siulittaasuat: Jonathan Motzfeldt, S

Naalakkersuisut: Siumut (6) (Inuit Ataqaatigiit tapersersortigalugit)

Ulloq 6. juni 1984-imi qinersineq, qinigaaffiit pingajuat

Taasinerit katillugit: Taasisinnaatitaasunit 34.582-init 23.088-it

Taasinerit procentiat: 66,8%

Inatsisartut Siulittaasuat: Jonathan Motzfeldt, S

Naalakkersuisut Siulittaasuat: Jonathan Motzfeldt, S

Naalakkersuisut: Siumut (5) aamma Inuit Ataqaatigiit (2)

Ulloq 26. maj 1987-imi qinersineq, qinigaaffiit sisamaat

Taasinerit katillugit: Taasisinnaatitaasunit 36.998-init 25.764-it

Taasinerit procentiat: 69,6%

Inatsisartut Siulittaasuat: Jonathan Motzfeldt, S (1988 tikillugu);

Lars Chemnitz, A (1989-imit)

Naalakkersuisut Siulittaasuat: Jonathan Motzfeldt, S

Naalakkersuisut: Siumut (5) aamma Inuit Ataqaatigiit (2) (1988-imi marts tikillugu);

Siumut (5) (Atassut tapersersortigalugu) (1988-imi marsimili)

Ulloq 5. marts 1991-imi qinersineq, qinigaaffiit tallimaat

Taasinerit katillugit: Taasisinnaatitaasunit 38.396-init 25.915-it

Taasinerit procentiat: 67,1%

Inatsisartut Siulittaasuat: Bendt Frederiksen, S

Naalakkersuisut Siulittaasuat: Lars-Emil Johansen, S

Naalakkersuisut: Siumut (5) aamma Inuit Ataqatigiit (2)

Ulloq 4. marts 1995-imi qinersineq, qinigaaffiit arfernat

Taasinerit katillugit: Taasisinnaatitaasunit 37.556-init 26.134-it

Taasinerit procentiat: 69,6%

Inatsisartut Siulittaasuat: Knud Sørensen, A (1997 tikillugu);

Anders Andreassen, S (1997-imit)

Naalakkersuisut Siulittaasuat: Lars-Emil Johansen, S

Naalakkersuisut: Siumut (5) aamma Atassut (2)

Ulloq 16. februar 1999-imi qinersineq, qinigaaffiit arfineq aappaat

Taasinerit katillugit: Taasisinnaatitaasunit 37.485-init 28.490-it

Taasinerit procentiat: 76%

Inatsisartut Siulittaasuat: Johan Lund Olsen, IA (marts–november 1999);

Ole Lyngø, IA (november 1999–december 2000);

Anders Andreassen, S (januar–maj 2001);

Daniel Skifte, A (maj 2001–november 2002)

Naalakkersuisut Siulittaasuat: Jonathan Motzfeldt, S

Naalakkersuisut: Siumut (5) aamma Inuit Ataqatigiit (2) (2001 tikillugu);

Siumut (5) aamma Atassut (2) (2001-imiilli)

Ulloq 3. december 2002-mi qinersineq, qinigaaffiit arfineq pingajuat

Taasinerit katillugit: Taasisinnaatitaasunit 38.375-ini 28.616-it

Taasinerit procentiat: 74,6%

Inatsisartut Siulittaasuat: Jonathan Motzfeldt, S

Naalakkersuisut Siulittaasuat: Hans Enoksen, S

Naalakkersuisut: Siumut (4) aamma Inuit Ataqatigiit (3) (2003-mi januaarip tungaanut);

Siumut (4) aamma Atassut (3) (januar–september 2003);

Siumut (4) aamma Inuit Ataqatigiit (4) (2003-mi septembarimit)

Ulloq 15. november 2005-imi qinersineq, qinigaaffiit qulingiluaat

Taasinerit katillugit: Taasisinnaatitaasunit 38.924-nit 29.136-t

Taasinerit procentiat: 74,9%

Inatsisartut Siulittaasuat: Jonathan Motzfeldt, S (2008-mi januaarip tungaanut);

Ruth Heilmann, S (2008-mi januaarimit)

Naalakkersuisut Siulittaasuat: Hans Enoksen

Naalakkersuisut: Siumut (4), Inuit Ataqatigiit (2) aamma Atassut (2)

Ulloq 2. juni 2009-mi qinersineq, qinigaaffiit qulingat

Taasinerit katillugit: Taasisinnaatitaasunit 39.990-init 28.510-t

Taasinerit procentiat: 71,3%

Inatsisartut Siulittaasuat: Josef Motzfeldt, IA

Naalakkersuisut Siulittaasuat: Kuupik Kleist, IA

Naalakkersuisut: Inuit Ataqatigiit (6), Demokraatit (2) aamma

Kattusseqatigiit Partiiat (1)

Ulloq 12. marts 2013-imi qinersineq, qinigaaffiit aqqarngat

Taasinerit katillugit: Taasisinnaatitaasunit 40.260-ini 29.873-it

Taasinerit procentiat: 74,2%


Inatsisartut Siulittaasuat: Lars-Emil Johansen, S


Naalakkersuisut Siulittaasuat: Aleqa Hammond, S

Naalakkersuisut: Siumut (6), Atassut (1), Partii Inuit (1) (2013-imi novembarip tungaanut);

Siumut (7) aamma Atassut (2) (2013-imi novembarimit)

UKIUT INGERLANERINI QINERSIARTORTUT AMERLASSUSII







ina.gl/qinersineq.gl

Inatsisartut · Postboks 1060 · 3900 Nuuk
Oqarasuaat +299 34 50 00
ina@ina.gl · www.ina.gl